

աւետարանաճայնի յուկնաց վասն հանդիսի»։ Շատ աւելի հետաքրքրականն է սակայն յաջորդը. աւետարանի լատիններէն ընթերցմանէն վերջ ծիրանաւոր սարկաւազի մը կողմէն, Հ. Ստեփան կ'առաջնորդուի Պապին մօտ, ուր յունարէն լեզուով Անոր օրհնութիւնը կը խնդրէ.

« Ի խնդրել յունարէն օրհնութիւն ի պապէն, Էւջօ'դիսօն են. պապն կիտաժպտելով և իբր վարանելով ալ- նարկէր առնթեմերկաց խարտաւիրակին, թէ զի'նչ տացէ պատասխանի. և ըստ խորհրդոյ նորա երկրորդաց զայն բան՝ զոր լատիններէն ասացեալ էր առ կարգինալ սարկաւազն »։

Այժմ կարգը Հ. Ազերեանին է, որ կը ձայնէ.

« Սօֆիա օրթի են. — և Հ. Ստեփան հանդիսաւորապէս կը սկսի կարգալ — « Է'ք դո'z գադա՛ Մադրե՛ն, են, այնպիսի բնական զեղզեղմամբ, մինչև ապշիլ ամենայն հանդիսականաց, որպէս այն թէ կատարեալ հոռոմ է ըստ լեզուին, որպէս և ըստ տարազու »։

Հ. Ստեփանի մտերիմներ որ ներկայ եղած են՝ չեն կրցած նոյն ատեն անդրադառնալ և իմա- նալ. այն աստիճանի նա յաջողեր է, մինչև իսկ Սրբազան Հայրապետին իսկ մեծ զոհունակութեան արժանանալով...

« Յաւարտ կարգացմանն-կ'ըսէ ինքն իսկ Ազերեան Հ. Մկրտիւ — տարաւ կիտասարկաւազն Հ. Մկրտիւ զա- լետարանն առ պապն, և նա յոտին կարով՝ իշտաճով իմն համբուրեաց »։

Ժամանակագիրը կէտ առ կէտ կը շարունակէ ապա Քահանայապետական ձայնաւորին յաջոր- դական ընթացքը նկարագրել, ամէն սեփական ծէսերովը, զոր ներկայացնել հոս զանց կ'ընենք։ Կը հետաքրքրէ սակայն դէպք մը, որ տեղի ունեցած է պատարագէն վերջ, երբ Պիոս Է. Քահանա- յապետական խոյրը դնելով՝ պատշգամէն կ'օրհնէ հրապարակին մէջ խոնուած ժողովուրդը, որոնք կը գոչեն. Կեցցի, կեցցի քահանայապետը.

« Մոռացեալք կամ անզիտացեալք ըստ սովորութեան Հոովմայ հայցել զներողութիւն, բայց զիտաւորու- թիւն էր նոյն, վասն որոյ և սրբազան ընկէց ի վայր զթուղթ ներողութեան. և եղին ննմունք ձայնից կրկին՝ հանդերձ թնդանօթիւք են. »։

Երկու Մխիթարեաններուն անունները վենետկոյ լրագրաց մէջ ալ յատկապէս յիշատակուեր են, իբր պաշտօնական բաժին ունեցող յոյն ծիսակատարներ՝ սոյն Թագադրութեան Չայնաւորին. իսկ ծանօթ անծինք ուրախակցութիւն յայտներ են ամէն անգամ Մխիթարեանի մը հանդիպելուն։

Ըստ տեղեկագրութեան Ազերեանի՝ կ'աւելցնենք, որ Պիոս Է. փառաւոր ձայնաւոր մ'ալ մա- տուցեր է նոյն տարւոյ ապրիլ 13-ին Զատիկի օրը Վենետկոյ Ս. Պետրոս պատրիարքական եկե- ղեցւոյն մէջ, և դարձեալ հրաւիրուելով՝ միևնոյն դերերը կատարեր են Հ. Ստեփան և Հ. Մկրտիչ։

